

四庫全書

集部

欽定四庫全書

集部

元詩選二集卷五

詳校官中書_臣王鵬

主事銜_臣徐以坤覆勘

總校官編修_臣王燕緒

校對官檢討_臣溫常綬

謄錄監生_臣萬培成

欽定四庫全書

元詩選二集卷五

庶吉士顧嗣立編

王內翰磐

磐字文炳廣平永年人徙居汝之魯山登金至

大四年經義進士第元中統初擢益都等路宣

慰副使頃之以疾免樂青州風土乃買田泚河

之上題其居曰鹿菴有終焉之志師圍濟南授

參議行中書省事遷翰林直學士出為真定宣

慰使至元元年復召入翰林兼太常少卿進拜
承旨累乞致仕不許年八十二始遂所請三十
年卒年九十二贈太傅開府儀同三司追封洛
國公謚文忠文炳人品高邁氣槩一世嘗曰文
章以自得不蹈襲前人一言為貴又曰為學務
要精熟當鎔成汁瀉成錠團成塊按成餅故其
文詞波瀾宏放浩無津涯李野齋稱其為文冲
粹典雅得體裁之正不取尖新以為奇不尚隱

僻以為高詩則述事遣情閒逸豪邁不拘一律
其居翰林也持文柄者餘二十年天下學士大
夫想聞風采得從容晉接終身為榮元初開國
諸公未有出其右者

遊黃華山

林慮著太行峰巒一都會晴嵐照郭朝日炫金翠盤
盤黃華山高秀衆峰內萬仞青芙蓉屹立見根蒂有泉
不知源滂沛落雲際初疑玉虹垂兼訝銀河潰翻翻雪

練飛洶洶風雷沸前年會一遊披覽恨未細今茲重經
過適與佳客萃坐分石上苔行並林間轡緬懷雪溪老
遠出遼海外飛聲入中華遂占此山麗吾家墨竈峰卑
小衆所易婆娑百本松龍蛇護清閤烟雨一憲書作我
幽棲地會看此名山永無黃華配江山無大小玩賞因
人貴嗟我復何人題詩聊自戲

峒峪山

昨日遊黃華抵暮方言還今晨到峒峪驅馬五松邊未

移金門日還指元康烟山中富清境不暇相周旋大似
山陰客望門却迴船空懷上方寺矯首浮雲顛瀑布落
晴雪金燈開夜蓮何當重經過巖下細留連

扁鵲墓

昔為社長時方投未可錄一遇長桑君古今皆歎服天
地為至仁既死不能復先生妙藥石起死效何速日月
為至明覆盆不能燭先生具正眼豪釐窺肺腑誰知造
物者禍福相倚伏平生活人手反受庸醫辱千年廟前

金定四庫全書
卷五
水猶學上池綠再拜乞一杯洗我胸中俗

巨源相過舊話有感

中統三年春二月變起青齊帶吳越鯨鯢轉側海波翻
城郭橫尸野流血我時辛苦賊中來兵塵模糊眼不開
妻孥棄捐豺虎口飛蓬飄轉無根荻天寒日莫齊河縣
破驛荒涼絕烟爨騎行驛馬鈍如蛙官吏散弛無處喚
與君此地忽相逢行臺郎中氣勢雄憫我白頭遭喪亂
壯我臨難全孤忠急呼驛吏具鞍馬使我厄路還亨通

明晨相隨濟南去出入條侯營壘中死生契濶不相棄
起居飲食常與同標山華注日在眼綿歷春草及秋風
四郊斫木桑柘盡灤源飲馬波濤空兗渠腰領膏野草
始見齊魯收烟烽巨源巨源君且坐我欲高歌君可和
往事回頭十五年猶想離魂招楚些身逢播越百憂纏
生不成名空老大我依破硯竊恩榮君佐榮藩收最課
流萍斲聚不多時且喜相看顏一破我衰無力訪君難
願君得暇頻相過

嵇侍中廟

十載家艱恨未消
又持手版仕昏朝
已知定亂功難就
猶幸臨危節可要
忠血數斑霑藻火
英名千古迫雲霄
一杯欲酌祠前土
野鶴昂藏未易招

百門泉二首

濟南七十二名泉
散出坡陀百里川
未似共城祠下水
千窩并出畫樓前

半空風雨山頭樹
十頃玻璃水底天
孤客南來無著處

相宜只有百門泉

昆陽懷古

行役宛葉間路入昆陽城潢水抱城左蕩漾東南溟川
源入四顧盤互多岡陵城頽削懸崖草深惡鴟鳴嗟爾
一坏土當此百萬兵莽圖十九年聚此天為坑王者沉
不死千騎驚龍騰漢業兆豐沛亦符此中興創復兩不
易山川賁雄名東南遙相望盤盤兩神京千件事雲散
草木含威靈野人無所知城邊事畚耜上廢壘隴

畝縱復橫只應懷古士千古愴餘情

堯帝廟

上古元氣淳以腴羣聖既出如傳臚高辛登天帝摯痛
爰有真人起參墟黃收純衣握帝符馬如白練彤雲車
璇璣玉衡擬天樞七政循軌萬物舒耕田鑿井人自娛
帝力於我何有諸千秋萬古仰範模皎如白日臨天衢
川流山峙雨露濡聖人德澤何時枯江南漠北聲教俱
矧茲河汾其故都邦人誇耀榮鄉閭遺廟世守無代無

遷新去故奠神居道人精誠與神孚
觚稜金碧凌空虛
采椽土堦與古殊
歲時香火喧笙竽
神兮歸來駐鑾輿
祐我聖祚恢皇圖

送尚書柴莊卿出使安南

單車奉使柴尚書
龍潭虎穴坦如途
丹青明著使外國
不減漢朝張與蘇
共山李生有志謀
樂執鞭弭同馳驅
但願皇恩彌宇宙
不須珍異輸天都

壽王學士秋澗七十

蚤歲聲華便軼羣學優不輟向來勤兩宮垂顧逢千載
三世讀書萃一門蘭省柏臺留讜論玉堂金馬煥雄文
平頭七十無多賀會見諸孫子又孫

楊總管果

果字正卿忻州蒲陰人金正大初登進士第元
初為河南課稅及經畧司幕官中統元年拜北
京宣撫使明年入拜參知政事至元六年出為
懷孟路總管其年薨年七十三謚文獻正卿美

風姿善諧謔文采風流照映一世工為文章詩
尤長於樂府所著有西菴集其自洛陽起宣撫
遼西也既至莅事戲為喻云回婦越商相為室
家言說不能通畫地為圖令以意求之十纔得
其一二每夕回婦焚香祝天雪泣而言越商不
知也隣有曉回語者潛聽譯之云注祿神官獨
不能遠以從近也邪傳至廟堂諸公笑之數日
齒冷其明年遂入大參姚燧牧菴文集所記如

此

羽林行

銀鞍白馬鳴玉珂風花三月燕支坡侍中女夫領軍事

一作黃金買斷青樓歌少年羽林出名字隨從武王偏

得意當時事少游幸多御馬御衣嘗得賜年年春水復

秋山風毛雨血金蓮川歸來燕賀滿宮醉山呼搖動東

南天明昌太一作泰和承平久北人歲獻蒲萄酒一聲長

嘯四海空繁華事往空回首懸瓠月落城上牆一作牆天

子死不為降王羽林零落只

一作祇

君在白頭辛苦趨路

旁腰無長劒手無鎗欲語前事涕滿裳洛陽城下歲華
暮秋風秋氣傷金瘡龍門流出伊河水北望臨潢八千
里蔡州新起髑髏臺只合當年抱君死君家父兄健如
虎一旦倉皇變為鼠錦衣新貴見莫嗤得時失時今又

悲

老牛歎

老牛帶月原上耕耕兒怒呼嗔不行癰瘡滿背股流血

力之不勝空哀鳴日暮歸家羸欲倒水冷其枯豆顆少
半夜風霜徹骨寒夢魂猶遶桃林道服箱曾作千金捷
負重致遠人所憐而今棄擲非故主飽食不如盜倉鼠

洛陽懷古

洛陽雲樹鬱崔嵬落日行人首重回山勢忽從平野斷
河聲偏傍一作到故宮哀五噫擬逐梁鴻去六印休驚季

子來惆悵青槐舊時路年年無數野棠開

過狄仁傑墓

北鷄聲裏紫宸寒
神器都歸竊弄間
一語喚回鸚鵡夢
九霄奪得鳳雛還
荒墳寂莫臨官道
清節孤高重一作直

泰山為問模稜蘇
相國當時相見果何顏

登北邙山二首

干戈叢裏過壬辰
原上累累冢墓新
寒食清明幾家哭
問來都是陣亡人

魏家池館姚家宅
佳卉而今采作薪
水北水南三二月
舊時多少看花人

邨居二首

草堂有燕賀新成
沙渚無鷗續舊盟
滿徑落紅風埽靜
一渠春碧雨添平

春波澹澹卷寒漪
長日蕭蕭靜竹扉
邨舍蠶催桑葉大
山田鹿食麥苗稀

峴山秋晚圖

江水江花遶大堤
太平歌舞習家池
而今風景那堪畫
落日空城鳥雀悲

遊裴公亭

裴公亭滿竹林風
王屋天壇在眼中
月桂不隨春共老
池波直與海相通
珍羞恐負將軍腹
時雨休歸社鬼功
天子仁明百靈助
連村簫鼓慶年豐

濟瀆廟禱雨感應

醺壇人散碧雲沈
天表吾君愛物心
一雨霽霽三萬里
成湯無用禱桑林

徐按察世隆

世隆字威卿陳州西華人金正大四年登進士
第元初為東平行臺幕官中統元年拜燕京宣
撫使三年除太常卿至元元年遷翰林侍讀學
士兼太常卿戶部侍郎七年拜吏部尚書出為
東昌路總管擢山東道按察使移江北淮東道
十七年召為翰林學士又召為集賢學士皆以
疾辭不行二十二年卒年八十所著有瀛洲集
百卷文集若干卷按明欽人汪子卿仲蘇泰山

志載徐世隆別號復齋不知何許人官翰林學士元季喪亂變姓名居泰山岳祠言人貴賤修短多驗明天順間復至泰山升元觀一老道士識之容貌如兒時所見後不知所終考元史本傳及東平徐琰撰墓碑威卿生卒年月甚詳不聞有學道求仙事也意別有一徐世隆而仲蘇不察誤以威卿翰林學士屬之耳元人名相同者如劉肅張經張樞王沂王思誠張守中葉顥

已延達布哈伊埒字相同者如張仲疇李伯宗
吳養浩俞子中此類不可枚舉而詩篇遂多淆
亂當時載籍散亡未經訂正見聞互異正史尚
多滲漏而山經地志更不足道也畧因所見而
辨正之

胡氏殺虎歌

濱州淳海縣兵籍有劉平其妻曰胡氏艱險常同經起
赴零陽戍仍輦兩兒行莫宿沙河岸忽聞嘯風聲一虎

蹲其間視平若孩嬰吞臂曳之去胡氏躍且驚走逐十
餘步掣足與虎爭急呼兒取刀屠虎肝腸傾虎斃平脫
口扶歸季陽城一支骨已碎三日目乃瞑夫歿入黃泉
婦哭入青冥風雲變黯澹禽鳥為悲鳴帥府取皋比列
狀達省庭省庭壯其義復戶仍免征旌表見國政激勸
通人情大哉夫婦恩直與生死并死同葬虎腹生同食
虎羹誰謂荆釵輩乃有如此英班班古列女好事多丹
青宜將殺虎傳題編家家屏

挽文丞相

符觀元詩正
體作王磐

大元不殺文丞相君義臣忠兩得之義似漢王封齒日

忠於蜀將斫顏時乾坤日月

一作精忠貫日

華夷見海嶺風霜

一作勁節凌霜

草木知只恐史官編不盡老夫和淚寫新詩

後唐明宗廟

徽陵當日拯殘唐五季之間號小康因獸害田秋罷獵
為民求主夜焚香八年功德丹青在千古明靈祭祀長
欲識此邦遺愛事廟槐人敬似甘棠

紀夢

以下二首見汪子卿泰山志
意咸卿按察山東時作也

我夢天倪子同登日觀峰
骨強清似鶴步健老猶龍
方外無官府堂中有岱宗
仙閣真福地杖屨會相從

送天倪子還泰山

九十行年髮未華
道人風骨飽烟霞
洞天福地二千里
神府仙閣第一家
牛膝藥靈斟美醞
兔豪盞淨啜芳芽
隱居自愛陶弘景
莫作山中宰相誇

萬里

世傳萬里躡靈魂廟宇燒殘敝復新七十五司陰闕

千餘里遠祠人天神志似張華博地獄圖如道子真
積少成多能事畢泰山元不厭微塵

寄天倪子

父居郛府有牛羝子倅泰山無鹿茸寄與天倪憐老病
足痿手戰更頭風

李御史思衍

思衍字昌翁一字克昌號兩山餘千人至元間

丞相已延渡江遣武良弼下饒以思衍權樂平
尋授袁州治中入為國子司業世祖以安南未
附召拜禮部侍郎副都省參議圖嚕奉使招諭
安南奉表款附嚕使甚厚時圖嚕受思衍不受
既還上勞慰問所嚕怒圖嚕受思衍曰圖嚕受
安小國之心臣不受全大國之體上賢之拜南
臺御史卒張侍講伯淳挽詩云斯文誰與立卓
犖兩山名南粵麾兼餽東州表獨清蓋紀其實

也

驚孫謠

白頭老翁髮垂領牽孫與客摩孫頂翁年八十死無恤
憐女孩童困飢饉去年歲旱猶禾熟今年飛霜先殺菽
去年飢饉猶一粥今年飢饉無餘粟客謝老翁將孫去
淚下如絲不能語零丁老病維一身獨臥茅檐夜深雨
夢回猶是悞呼孫縣吏催租正打門

元日

筍班玉立五雲階曾醉天家舞馬杯坐困庾樓分月久
明從堯殿帶春來洪鈞暖入宮一作官橋柳金鼎香傳驛
使梅爆竹一聲春夢曉沈香亭北牡丹開

見王參政

獵獵風沙透紙窗地爐火歇冷侵牀一聲孤鶴唳殘月
幾杵疎鐘敲曉霜黍律噓春燕谷暖梅花入夢楚天長
歸期乞趁東風軟醉裊絲鞭吟綠楊

寄江西魏按察

雙劍光收紫氣沈六絲轡動使華臨寒生柏府風霜面
清照梅花玉雪心一道秋江澄濁浪千厓曉色破頑陰
水天霞鷺吟情逸只恐商家要作霖

上雷御史

臺上棲烏顫曉寒朱簾雲靜楚天寬星芒搖動龍阿劍
霜氣橫陳鴈角冠苦透柏心風力勁清臨梅影雪痕乾
渾源聞有傳家譜夜露心香借易看

妙高臺

危亭新構客持觴雨浥闌干面面涼烟外好山供水墨
風前老樹奏笙簧接天淨綠秋江白著地形雲晚稻黃
騷裊絲鞭歸興逸水晶宮殿桂花香

次韻圖克坦提舉

百蠻冠帶悉來庭九虎臨關萬雉城漢殿風馳十行詔
唐藩雷動衆軍聲海涵春育民膏澤雨施雲行天性情
聽得老癯扶杖語紫微垣畔泰階平

汴京懷古

滄海成田良獄荒誰能行役不彷徨
青城北狩隔萬里
花石南來寶幾綱
土暗塵昏天水碧
風輕雨過女真黃
自牡丹譜尚女真黃宣和以來冠姚魏暗與天水碧同懺
無人可語宣和事
九些陳留酹一觴

會同館

萬間頂顙翠光團
千尺廊腰眼界寬
鴨脚參天風雨老

館乃亡金之義王府懷遠堂前雙樹大王所植
龍髯蟄地雪霜寒

燕寒葡萄經秋蟄藤於地

庭花飛墨空遺恨
宮葉流紅不忍看

南來妃嬪常館於此或書吳彥高南

朝千古傷心事
之詞於其側

古往今來只如此夕陽搔首倚闌干

華蓋樓

二十六坊如掌平長橋短艇水縱橫
銀河一道江連海畫障四圍山繞城
老樹烟雲春綠暗小樓簾幕曉紅明
陰陰翠影誰家屋夢覺草池鶯一聲

石牛行

寒牛穀鯁秋江烟五丁擔落石一拳驚濤拍岸撼不動
夕陽老背供鴉眠天荒地老煮白石頑嬾不過蒼苔田

騰騰臥地帶佛性尚肯遠護風濤船泥深蹄轉重鼻缺
繩難穿既不能西推紫氣度函谷五千道德言神仙又
不能黃金開秦塞隔絕烏道四萬八千年渴奔一斗酒
傲兀廬山前潢池刀劍賣已盡貞觀斗米方三錢雨犁
急趁勾芒起不然碎汝春風鞭

世子燕席索詩

乾坤氣運會貞元皓月騰空息瘴烟北闕星馳新誥命
南郊春轉舊山川存誠乃可必事帝保國無如是畏天

光觀紫宸歸衣錦山河帶礪保千年

世子和前韻有自顧不才慙錫土只緣多病欠朝
天之句即席次韻

雨露汪洋普漢恩鳳銜丹詔出紅雲拓開地角皆和氣
淨挾天河洗戰塵盡道璽書十行下勝如琴殿五絃薰
乾坤兼愛無南北何患雲雷復有屯

行贐有禮辭之世子舉陸賈事疊疊見愛謝絕以
詩

綠璽南來奉玉音九重惻怛為民深蜀人爰命相如檄
越使何求陸賈金冰雪孤忠臣子事乾坤生物帝王心
從今但得天從欲航海梯山歲歲深

彭城

一水淵渟綠不波四山玉立碧嵯峨城頭芻石黃樓賦
臺上風雲赤帝歌竹帛有香豪傑在山河無恙廢興多
男兒要作千年調戲馬臺高石可磨

隆山塔院

峰頂浮圖第幾重
四天塵界盡虛空
縣居島嶼紫迴處
海在烟霞靉靄中
浴水盂盤暘谷日
轟雷輦鼓怒濤風
蓬萊咫尺闌干底
平步長橋跨玉虹

志古溪堂

堂成合入輞川圖
塵隔香紅九軌衢
詩洩騷情風格老
棋藏活著路頭蘇
梅黃著雨驚鶯染
竹醉薰風倩鶴扶
一片丹青誰畫得
吟腸惱斷老耕夫

見維揚崔左丞

十里珠簾一半垂揚州風物最宜詩平山倚檻歐陽子
明月吹簫杜牧之吟筆新添梅鼎手歌樓爭覓竹枝詞
濡毫願逐奚奴後描盡春風芍藥枝

拜許魯齋像

玉筍頭邊嬾押班汗青筆削更重刊直言何管雷霆怒
清節不知冰雪寒性理晦菴真學術鬚眉商嶺古衣冠
欲求繪畫耆英手寫過江南子弟看

天慶宮

紫蓋星臨北斗躔金門客去幾千年蒙泉有味見福地
劫火離灰是洞天塵外仙家山上屋日邊帆影海東船
飄飄雲氣蓬萊近五彩飛鸞不用鞭

安南觀碁

地席趺趺午坐涼碁邊袖手看人忙檳榔厓闕又春綠

送到誰家橘柚香

安南柚花甚香如茉莉嶺北所無

漂母墓

登壇拋却釣魚竿廟食難酬一飯恩春老五陵佳氣歇

近來誰復念王孫

郭宣慰昂

昂字彥高號野齋彰德林州人至元二年上書
言事平章廉希憲材之授山東統軍司知事尋
改經歷遷襄陽總軍司轉沅州安撫司同知佩
金符招降溪洞八十餘柵十六年以諸洞酋入
朝賜金綺衣鞍轡進安遠大將軍二十六年江
西盜起昂討之進逼南安明揚上龍巖湖綠邨

石門鴈湖赤水黑風峒諸蠻立太平寨而還授
萬戶賜金虎符鎮撫州尋授廣東宣慰使卒年
六十一謚文毅彥高少習刀槊能挽強稍通經
史尤工於詩率多江關戎馬之作柳待制貫稱
其橫槊賦詩下馬草檄雖古良將復出未敢多
讓也

寄張九萬戶

三楚人驚撓擊頻兩淮形勢壯分屯秋風鼓角悲蛇陣

落日旌旂擁戟門談麈夜搖山月白
劍光晴照海濤渾
與誰共挽銀河水一洗中原戰血痕

過桃川宮

桃花流水五雲間咫尺仙凡隔往還
白鶴不來華表在
翠鷺飛去玉簫閒戰塵滿眼何時了
雲駕無由得暫攀
六載苦辛誰與問瘴烟空染鬢毛斑

客燕

昨夜鄉關入夢遙月明魂斷更難誰一作招
鬢邊白髮愁

一作秋

能種囊裏黃金日易銷尺璧自慚投暗室前途何

處是青霄龍沙見說難容

一作為

客八月火風徹散貂

寓潭水院寄王鼎臣

落魄猖狂久陸沈
蠻金散盡力難任
魂搖漳水雲烟濶
腸斷燕臺草樹深
朽索漫羈千里馬
樊籠空鎖九皋禽
薰風一夜招提夢
明月關山處處心

杜李明

白髮刁騷五十餘也隨時宦覓新除功名未了牀頭劒

欽定四庫全書

活計空存架上書蟲臂敢勞私造化獐頭深愧強超超
春風但假吹噓力早趁花期到敝廬

偶感

滿眼黃塵興已闌閑門高臥且加餐一燈兒女團圞易
千古風雲際會難檐外日暄捫蝨坐庭前月出舉杯看
翠藤儘著參天長不與孤松並歲寒

呈董相

砥柱東南海一方春雷隱隱震豺狼彩旂獵日開晴雪

畫戟森香照曉霜
西土山河如虎踞
南淮風景入鷹揚
棟華滿眼春光好
盡帶鈞天雨露香

從軍

袂氛慘白晝天狼
窺紫微世故人心迫
秋高戰馬肥
乾坤增肅氣
鼓角壯神威
刁斗淒風急
貔貅白羽揮
陳雲愁不散
邊月澹無輝
烽火千山起
炊烟萬竈稀
獸蹤驚遠伏
鳥影避營飛
雷電奔長檄
旌旂擁戟闌
八風觀世應
六甲祕天機
社稷悲雄劍
肝腸快鐵衣
樓船功可繼

銅柱願常違談笑一時了軒昂滿意歸太平方有象聖
德自徽徽

宣春贈別

微茫烟浪浦帆開一曲琵琶淚滿腮江水不如湘水好

送人東去復

一作又

西來

開州卜居

旋買耕牛賣寶刀草廬新結近東皋貧無官府心常樂
閒為交親來自薊臥虎城危斜日映洪洋山淺白雲高

寒驢不怕傍人笑時趁黃鷄醉濁醪

姚燧牧菴集

燧字端甫文獻公樞之姪少孤隨樞學於蘇門
及長以所作就正於河內許衡衡賞其辭至元
七年衡為國子祭酒奏召舊弟子二十人驛致
館下始為秦王府文學尋提舉陝西四川中興
等路學校除陝西漢中道按察司副使調山南
湖北道入為翰林直學士遷大司農丞元貞元

年以翰林學士與侍讀高道凝總裁世祖實錄
大德五年出為江東廉訪使移病太平拜江西
行省參知政事至大元年入為太子賓客進承
旨學士太子太傅明年授榮祿大夫翰林學士
承旨知制誥兼修國史四年得告歸卒年七十
六謚曰文所著有牧菴文集五十卷牧菴為文
閑肆該洽豪而不宕剛而不厲壽容盛大有西
漢風宋末弊習為之一變濟南張養浩序其集

曰公才驅氣駕縱橫開闔紀律惟意約要於煩
出奇於腐江海駛而蛟龍挐風霆薄而元氣溢
時元宅天下已百餘年倡鳴古文羣推牧菴一
人擬諸唐之昌黎宋之廬陵云

姚嗣輝南楳堂

彼楳有土性生植惟莪岷藥藥干雲姿才與樗散隣匠
石過不晚煬夫取蒸一作為薪所貴故山樹寧計世莫珍

一別十畝陰清溪俄幾春筆名堂楣上如對故鄉親請

事小弁詩桑梓亦惟寅盛德古自卑木惡何關人不見
樗里疾智囊終相秦君才負棟柱未許溝斷均無以植
自期上孤明堂晨

寄暢純父治中

欲聞真息耗無使梓潼來烽火平時報田疇亂後開徒
歌王粲賦不直士元才遙憶牛頭寺思親日幾迴

輿病高厓道中作

役役乾坤遠棲棲道路頻五年三八蜀十夢九歸秦瘡

鬼偏陵客山英定笑人無勞問前渡祇覺白頭新

舟達黃溪

草木隨寒暑殊方榮悴同葦花兼露白檉葉未霜紅
月雙飛鳥江湖一病翁晚來沙嶼上愁坐獨書空

發舟青神縣

青神開百丈江岸轉荒涼薜荔緣松起蒹葭並竹長
深披豺虎徑毒犯虺蛇鄉何莫非王事牽夫可惋傷

感事

致位丞疑地夔龍伯仲間星當朝北斗日已薄西山取
謗因讐惡貪權失丐閒此行雖鐵甲未足比慙顏

留別和杜紫微韻

身世支離似敗衣有戈難却魯陽暉不知此日公車召
又復何時野服歸花信正愁風駘蕩麥苗還喜雨霏微
分攜江上休回首恐見檣烏作背飛

癸巳九日

去歲君山孤擢游如今盡室石城州明年白髮桑榆日

何地青山萸菊秋
客氣已為強弩末
宦情空遶大刀頭
果成問舍求田策
未讓元龍百尺樓

次韻時中

多君聞道早知歸
雲霧何人識少微
爾後驂騑終獨步
目前鷺鳥不羣飛
淮南數日將寒食
客裏三春尚臘衣
安得鑾坡同給札
不妨首宿對朝暉

別王良輔

只聞官罷尚荊州
不謂相逢郢水秋
如我避賢三退舍

與君為客一登樓人才安自金鳴冶世事從渠劒刻舟
明日分攜武昌去應煩南夢到滄洲

宋陸秀夫抱惠王入海圖

紫宸黃閣共樓船海氣昏昏日月偏平地已無行在所
丹心猶數中興年生歲魚腹不見水死挽龍髯直上天
板蕩純臣有如此流芳千古更無前

黃門飛鞚圖

太平無有羽書塵局促龍鱗萬里身不著圍人時騁驚

天閑驕悍若為馴

賞花

出門京國事無涯
虛擲東風五物華
却謝病歸催不起
故園今見碧桃花

寄王憲使立夫

庭樹生秋風
炎熾奪如失
小蟲鳴嚶嚶
高隼飛颭颭
緬懷素心人
若髮未忘櫛
百年能幾見
過眼徂電疾
而君有官事
出言千里律
何暇喜愛音
情與逃空一
昨因趙

卿至戒遣書新述篇軸不害多無憚費紙筆且約來北
州罇酒留十日晴天逼佳夕共看華月出非不思餘論
門無一親即吾私如汲車已脫復縈緇晚菰生待種蚤
稻行可鉅少須黃花發秋風亦蕭瑟倒冠獨山巔茲遊
或能必

次韻閻子濟二首

吾友宋僉憲頗聞思湘中每云所遇奇未易言說窮崇
蘭春風花巖桂秋露叢三年一官內身在香國東朝航

汨羅波翻動海日紅暮揖嶽麓寺蒼烟樓觀霞喧喧名
都邑百貨聚商工何時訪君遊盡歷西南雄

霜水收風濤江船穩歸路唯應江間月照汝來往屢長
沙隔南雲尚飽艱險趣天涯念棊錯睽濶皆舊故新知
苟會心何必惟有素黃鐘未懸業衆目齊瓦釜大音故
希聲欲說難至戶況我言毛輜誰復聽其句所恃君威
年學仕猶未暮丈夫重道義自足輕外驚觀今紛華儔
愜喜隨一芋願終藏山書榮於鹿眠賦

寄徐中丞容齋

李侯安慶來遭君江間拖問云歸湍水示聲偶及我自
揆衰鈍質舊學日兼墮百事於大賢資取無一頗始疑
逢蒙方亦有虛發等終知匠石斧材不捐瑣瑣增慙失
喜餘背覺芒刺荷平生聲相接晬盡見未可文字親友
間屢得觀藻火沉聞閑世故盤走夜光顆仰止高山思
願並餘子夥歷推天日行蟻右風輪左吾徒不相值其
故政此坐何時廣陵遊傾蓋願終果

同柳山和尚登落星寺

抵掌女媧前功捐鍊石力盡還竇天怒飛十有八萬里
擲陷彭蠡三重淵蔽山于澤信有力愚公欲移重萬肩
黃家亞夫更癡絕漫向麟史求何年安知自分牛斗躔
天穴上當匡廬顛銀河一塞落九天至今飛流掛長川
我来正逢槐火節艤磯少繫東吳船相攜詩僧上佛閣
箕踞對酒談其然渠聞舌橋若自失子辨迺出鄒衍前
無書太古何所得為言烏有先生傳

荏葦歎

潁江不可禾歲惟葭葦茁青林無端倪永與江水匹由
為薪蒸時責以租賦出園人誠貪夫苴芑黃金鎰暮夜
鑽權倖入牒妻子質輸課或未償投之良不卹它家莫
辨為得者皆富室秋風霜露落百穀時已實處處傭千
夫豚酒健力鉅捆載向城市官外私羨溢遺寄狼籍陳
入者必見叱或因取束縕隨以盜採律春風將新萌剪
伐未十七下策付一炬炎火赤天日坐視煨燼空不丐

民貧疾因推是為心可見無仁術周官衡虞置為法未
爾密亦已開利源千年誰能窒

題貞節賈母劉氏

常時易處變時難鞠育孤兒紡織間向使相驩得偕老
貞名未必滿人寰

參政富珠哩朶

富珠哩朶字子輩其先隆安人金泰和間定女
直姓氏屬望廣平後徙鄧之順陽生賴江舟中

金鳴者三人以為異始名思溫字伯和嘗從新
喻蕭克翁學克翁夜夢大鳥止其所居翼覆軒
外出視之沖天而去明日昫至故為易今名字
大德間由憲府薦授襄陽教諭擢汴學正至大
間用姚文公燧薦授翰林國史院編修官累遷
陝西行臺御史入拜監察御史泰定間累遷國
子司業出為燕南河北道廉訪使入僉太常禮
儀院事兼經筵官至順間拜漢中道廉訪使入

僉太禧宗祗院兼祗承神御殿事改集賢直學
士兼國子祭酒進禮部尚書元統間拜浙江行
省參知政事以遷葬歸至元四年卒年六十追
封南陽郡公謚文靖子翬學博而正為文章嚴
重質實不為浮靡其詞悉本諸經如米粟布帛
皆有補于世教有菊潭集六十卷姚牧菴謂子
翬談論鋒出文章不待師傳而能後進無是倫
比元初文章雄鳴一時者首推牧菴而亦推服

子翬如此宜後人以魯姚並稱云

范墳詩

并序

宋蜀郡開國公范鎮景仁謚忠文其一世盛德
偉烈光著史籍人固知之其葬在襄城汝安鄉
推賢里載東坡集中甚詳襄城故隸汝州潯來

訪問故老其墳儼然尚

一作故

在已為野夫豪農

耕為禾黍之區矣范氏當金季猶有居墳左者
自經兵燹不知所存拊事歎閔故為作詩以紀

其槩幸在官君子知其為先賢遺壘庶有以處之

忠文我眉英始也迹甚微堂堂薛簡肅旗隼西南飛其
人古廉守肯持鉤醫歸所得一偉人天下大布衣引以
賓王家光映春官闡昭陵宋仁主前星久無輝犯諱言
所難雷電每霽威雄哉鍊石手妙補天巍巍丞相江南
來雲掩扶桑暉舊德陳苦辭往往阨謗譏諸賢抗章疏
弱卒攻堅圍公力幹禹鼎正氣砮黃扉荆舒憤至骨斤

語筆自揮贈之以蕙蘭何往無芳菲時公與司馬聲諧
玉琴徽解冠挂神武甘老西山薇九寓日簪簪赤子將
疇依兩公幸無恙起拯或庶幾嗣君元祐初痛洗前人
非民望屬司馬欲遜天為轡帝命起公臥門久車馬一作

停

駢君實了吾事此外何所希清風溢寰海不啻嚴陵
磯公既晚家許道德人所腓襄城下封竈汝頰皆京圻
我來訪遺壘名姓存依稀來仍散兵燼雨雪無留霏公
名在天下豈遂薤露晞誰能禁耕牧盛事乘新機吾力

不足振感歎徒歔歔

御宿行

蒼茫帝星移紫微露寒金屋人依依夢斷瑤池宴王母
地上麒麟鞭不走山靈訶護魑魅中何罪取憎逆旅翁
神龍脫淵命如蟻老嫗眼明龍得水醉轟惡少慰君歸
歸來宮柳回春熙仲舒三策賤於草明日黃金賜山媼
閱故唐宮

錦帆

一作佩

走滅淮海波虬顛起操湯武戈盪民瘡痍六

朝下天開百二秦山河我來傍徨舊宮土細麥餘花忽
誰主終南王氣三百年仙李春風一千古春風吹夢天
茫茫玉樓金殿春雲香開元舞馬散冥冥紇干凍雀含
悲涼世態蒼黃幾烟霧秦漢英靈不知處崑崙河脈自
西來湘浦鴈行今北去

題周益公墨蹟

今觀益公帖老氣肅鋒鏑孫氏青氈永宜開寶墨堂

題益公荅孫魯齋帖

丞相裁詩答布衣殷勤辭翰總珠璣秋風吹落蒼松樹
二百年來此道非

晉祠三首

掌文握瑞既符天宗子維城足尚賢功在生靈報君父
禮宜尸祝配山川羣雲色映三農壤時雨神通萬斛泉
幸與諸公謁祠下令人長歎贊祠編

泉溜琮琤玉凍香稻塍歷落卦齊疆山頭雲氣結媒雨
木杪風聲凜孕霜神漢有靈疑沆瀣客纓無垢得滄浪

不須對境談今古聊詠新詩送夕陽

天泓雪雷廕寒松聖母祠前可鑑容水利萬家豐稻晦
山靈千古壯祠封司炎政虐連雲稼使憲情深望雨農
一灑甘霖徧寰宇泉關噤起抱珠龍

李平章孟

孟字道復上黨人徙居漢中至元中至京師裕
宗召見東宮不及用成宗立薦為太子師傅大
德初武宗撫軍北方仁宗留宮中日陳善言正

道多所進益又從仁宗侍昭獻元聖皇后降居
懷州四年誠節如一成宗崩安西王阿南達謀
逆力勸仁宗奉太后還都收首謀及同惡者奉
御璽北迎武宗及事定逃去不知所之武宗即
位仁宗為皇太子追叙其功特授中書平章政
事集賢大學士同知樞密院事仁宗立真拜中
書平章政事賜爵秦國公皇慶元年授翰林學
士承旨知制誥兼修國史延祐元年改封韓國

公七年仁宗崩英宗初立為丞相特們德爾所
誣奪前後封拜制命降授集賢侍講學士至治
元年卒年六十七詔復元官贈太保儀同三司
上柱國進封魏國公謚文忠韓公才氣跌宕落
筆縱橫詩尤清壯麗逸仁宗嘗親授國公印章
召繪工惟肖其形賜號秋谷命集賢大學士王
顥大書之手刻為扁而署其上又側注曰大德
三年四月吉日為山人李道復製因自號所著

曰秋谷集元初因仍吏治士氣奄奄僅屬韓公
侍仁宗潛邸日夕啟沃謂儒可與守成迨延祐
當國即議行貢舉其後如泰布哈余忠宣李潯
陽諸公立節疆場垂名竹帛皆出自左右兩榜
元朝尊賢養士之報于今為烈揆厥由來皆韓
公主行科舉之力也

贈黃秋江處士

君釣秋江月我耕秋谷雲逃名君笑我伴食我慙君老

我素多病壯君高出羣何時各歸去雲月總平分

按黃潛撰黃一清墓志云一清字清夫休寧人年逾四十始游京師無所知名泊李韓公以舊學相仁宗賢才彙進乃復入京師謁孟一清古貌長身鬚髯如戟寬衣高冠容止簡率又作吳語左右多目笑之孟望見大驚異即下執其手延之上座自是名動京師一清以秋江自號而孟自號秋谷遺一清詩有君釣秋江月我耕秋谷雲逃名君笑我伴食我慚君之句朝野傳誦滿口內翰趙孟頫寫以為圖云

偶成

日午山中道停驂進步難
醵侵苔徑滑風吹入一作毳袍

寒窗國終無補全身尚未安
一尊茅店酒強飲不成歡

寄東宮二首

艱危勤扈從俯仰盡周旋
小試屠龍技翻成挹虎眠
脫鉤魚縱壑漏網鳥沖天
萬事從今始灰心未死前

十年陪顧問一旦決安危
自合成功去應慚見一作識事

遲長城徒一作何自壞孤注莫相疑
辟穀求仙者高名一作作

明
百世師

初科知貢舉

百年場屋事初行一夕文星聚
帝京豹管敢窺天下士

龍一作

頭誰占日邊名寬容極口論時事衣被終身荷

聖情願得真儒佐明主白頭應不負平生

按此詩為延祐二年春始設科會試韓公知貢舉而作也太宗即位之二年戊戌開舉選特詔宣德課稅使劉公用之試諸道進士則元朝科舉之設已兆于此後七十餘年皇慶癸丑冬十一月詔曰其以皇慶三年八月天下郡縣興其賢者能者充賦有司明年二月會試京師中選者朕將親覽焉是時韓公為平章實主其議許中丞有壬序秋谷文集曰貢舉倡于草昧條于至元議于大德沮尼百端而始成于延祐亦夏夏乎其難哉今讀此詩可以想見韓公為國求賢之苦心矣

金陵懷古

西風聒耳過黃蘆萬水東流草樹枯蟾闕

一作窟

一年秋

色遠

一作近

鵲橋萬里客心孤青山故國新豐市

一作樹

芳

草王孫舊酒壚壯志未磨天地濶光耿耿

一作夜夜

照江

湖

喜雨

誰調元氣入淋漓枯槁回生只片時依舊野雲無處著
高天濶地任風披

舟中作


石激灘聲纜釣船夜寒人對白鷗眠江風吹盡浮雲片
南北東西總是天

在朝思鄉

西望家山咫尺間白頭多病不知還中書三入成何事
畫裏相看亦厚顏

遷葬畢還朝

綠暗丘園已暮春還山堂上會鄉隣明朝却上燕南道
依舊征衫滿路塵



元詩選二集卷五